



Clypeus Theologiæ Thomisticæ

In Tres Partes Divisus, Et Quinque Volvminibvs Comprehensvs
Tractatus de Prædestinatione, de Trinitate, de Angelis, & de homine

Gonet, Jean-Baptiste

Coloniæ Agrippinæ, 1671

§. I. Quibusdam præmissis, referuntur sententiæ,

[urn:nbn:de:hbz:466:1-77146](#)

quod sedet in eis Deus. Quaris quid istam sentiam se-
fam & summam tranquilitatem, placidissimam se-
rentatem, pacem quo exuperat omnem sensum. Pute-
mus Cherubim ex ipso sapientia fonte, ore Altissimi
huiusmodi. & respondentes fluente scientia universis ci-
vibus suis. Putemus Seraphim spiritus totos divino
genitum suorum, sicut dicens universa; ut singuli cives
angelorum sint lucerne ardentes & lucentes; ardentes
claritate; lucentes cognitione.

ARTICVLVS II.

Urum Angeli superiores interdum mittantur
in ministerium?

§. I.

Quibusdam premisis, referuntur sententiae.
Supponoprimò, Angelos distingui in assisten-
tes & ministrantes, ut colligitur ex illo Da-
niel 7. Millia millium ministrabant ei, & decies cente-
na millium ministrabant ei, & decies centena millia
ministrabant ei. Assistentes dicuntur illi, non qui ef-
ficiunt divinam immediatè vident (hoc enim
omnibus Angelis Beatis convenit) sed qui im-
mediatè recipiunt illuminationes à Deo, vel ut
dicit D. Thomas hic quæst. 112. art. 3. qui secreta
ordinorum mysteriorum in ipsa claritate divina essen-
tiapercipere possunt: unde tres soli ordines primæ
Hierarchiæ, scilicet Seraphini, Cherubini, &
Throni, dicuntur assistere. Ministrantes verò
appellantur illi, qui ad mundi regimen & gu-
vernacionem, vel per modum exercitantes, vel
per modum disponentes ministrant: & ita aliae
duachierarchie dicuntur ministrare; cum hoc
namen discrimine, quod primus ordo secundæ
ordum per modum disponentes, alii verò quin
ordines per modum exercitantes ministrant,
ut patet ex dictis articulo præcedenti.

Suppono secundò, quod sicut duplex est mis-
sio divinarum personarum; una scilicet visibili
qualis est missio Verbi ad naturam humanam;
et alia invisibilis, qualis est missio Spiritus Sancti per gratiam ad animam justi: ita etiam du-
plex distingui potest missio Angelorum; una vi-
sibilis sive exterior; et alia visibilis sive interior.
Missio visibilis est quâ Angeli mittuntur ad ex-
ternus aliquid ministerium in his inferioribus
extremis; invisibilis verò fit per hoc quod
superiores illuminant inferiores.

Suppono tertio, adhuc duobus modis Ange-
los mitti in ministerium exterius, mediata scilicet &
immediata. Illi mittuntur immediatè, qui
per seipsum immediatè ipsum ministerium exer-
cent: illi verò mittuntur mediaetate, qui alios mo-
vent per imperium, ex speciali tamen ordinatio-
ne divina, ad ipsum ministerium immediate ex-
ercentur.

Suppono quartò, omnes Angelos mitti mis-
sione visibili aut invisiibili, mediata vel imme-
diata: quia nimis vel exercent exterius mi-
nisterium, vel alios movent ad illud exerce-
ndum, vel denique omnes superiores illuminant
inferiores. His positis.

Dificultas solùm supereft, utrum omnes An-
geli mittantur immediatè missione visibili? In
cujus resolutione duæ sunt Authorū sententiae:
prima est Scotti, Durandi, Molinae, Valentiae, &
aliorum, allecentum omnes Angelos immediata-
te mitti in ministerium, missione visibili; ita ta-
men ut inferiores regulariter mittantur, supe-

Tom. II.

riores verò ex speciali tantum Dei dispensatio-
ne, & ad aliquem effectum extraordinarium.
Secunda est D. Thomæ h̄c quæst. 112. art. 2. &
4. docentis ex Dionylio & Gregorio, Angelos
prima Hierarchiæ, qui assistentes dicuntur,
nempe Seraphinos, Cherubinos, & Thronos, &
primum ordinem secundæ Hierarchiæ, qui est
Dominations, nunquam mitti ad exteriora
ministeria, immediate saltem; quamvis dici
possent ad ea miti mediatè, quatenus alios mo-
vent ad illa exercenda.

§. II.

Sententia D. Thoma prefertur.

Dico igitur, nec de lege ordinaria¹, nec ex
extraordinaria, Angelos quatuor primorum
ordinum, nempe Seraphinos, Cherubinos,
Thronos, & Dominationes, ad exteriora mini-
steria mitti; sed solùm Angelos quinque ordi-
num inferiorum, scilicet Virtutes, Potestates,
Principatus, Archangelos, & Angelos.

Prima pars conclusionis probatur primò ex
SS. Patribus: Dionysius enim cap. 7. coelestis
Hierarch. hoc exp̄t̄s docet, & assert̄ se ita
tradere, sicut à D. Paulo accepit. Unde illum
refert & sequitur D. Gregorius homil. 34. in E-
vang. his verbis: Docet autem Dionysius, quod ex
minorum Angelorum agminibus foras ad explendum
ministerium vel visibiliter vel invisibiliter mittuntur,
scilicet quia ad humana solatia vel Angelii vel Archangeli
veniunt. Nam superiora illa agmina ab intimis
nunquam recedunt; quoniam ea que praeminent, usum
exterioris ministerii nequaquam habent. Et paulò post
subdit: Qui assunt, sic contemplatione intimâ per-
fruuntur, ut ad explenda foris opera minime mitratur.

Probat̄ etiam eadem pars ratione D. Tho-
mæ h̄c art. 4. Illi Angeli solùm mittuntur (dele-
ge saltem ordinaria) in exterioris ministerium,
quorum nomina aut proprietates designant ali-
quod exercitium exterioris: Sed nomina & pro-
prietates quatuor ordinum superiorum, non si-
gnificant executionem, seu exterus ministerium,
bene autem nomina quinque ordinum inferiorum:
Ergo Angelis quatuor primorum ordinum
non mittuntur, saltem de lege ordinaria. Major
pater, Minor probatur: quia nec imperium (quod
importatur nomine Dominationum) nec quies
seu tranquillitas mentis, aut plenitudo scientiae,
aut ardor charitatis (quæ significantur nomine
Thronorum, Cherubinorum, & Seraphinorum)
designant ministerium exterioris; bene autem
nomina & proprietates Potestatum, Virtutum,
Principatum, Archangelorum, & Angelorum:
nam, ut articulo præcedenti declaravimus, per-
tinet ad Virtutes dare aliis potestatem exerce-
ndi ordinataim; ad Potestates arcere Dæmones;
ad Principatum regere regna & Provincias; ad
Archangelos nunciare magna; & parva ad An-
gelos: Ergo nomina & proprietates quatuor ordi-
num superiorum, non significant executionem,
seu exterioris ministerium, bene tamen nomina
quinque ordinum inferiorum.

Confirmatur: Si Angeli superiores, de lege
ordinariâ, ad exteriora ministeria mitterentur,
inepta esset illa assistentia & ministrantium
Angelorum partitio; quæ tamen à Theologis
communiter recipit, & ex variis Scripturæ lo-
cis colligitur, præsterrim ex illo quem supra ex
Daniele retulimus.

Qqq

Quod